

本书出版得到国家古籍整理出版专项经费资助

清代吏治史料

綏寧書局

官员管理史料 四六

清代吏治史料

綫裝書局



延撫甘肅寧夏臨鞏等處地方督理軍務兼理茶馬都察院右副都御史加三級銜侍一次
許容謹

題為特揭貪婪不職之縣令等事該臣等得莊浪縣知縣王熙泰由正印訴舉人安若莊浪縣事
後試用年滿據布按兩司詳據平慶道以該員辦事勤敏堪供厥職請

題實校剛據修鑒列款詳揭經臣批司嚴提確審揭報請奏去後茲據署布政使趙挺元等詳稱

上年查揭學務勒索新生書錢每名銀五錢又公宴警儀每名銀五兩八兩不等有學書貢梅

等証又該縣民壯三十名每年每名額設工食銀六兩該員每名扣銀二兩一錢共扣銀六兩

三兩八錢該員私沐里下每名幫給工食錢二千一百文共收錢二千一百文有御約牛星直

等証又該縣丁銀向來陋獎每丁出雜費錢三百文幫貼書辦衙役自雍正五年以限裁丁之

後雖將丁銀攤入地畝而書役幫費仍舊沐取有銀頭程私索等証等情聞揭請奏前來臣查

甘省陋獎久經禁革王熙泰特在僻地陽奉陰違已為不職乃又從中剋扣收入已虞至新生

書錢費儀原屬教官陋習該員督管學事竟如首肯寒起較量等項雖非貪食極劣而居心甚

屬卑鄙未便姑容所當糾奏請

旨將王熙泰革職與本內有人犯嚴審究擬者也再所遺員缺查有試用舉人黃松辦差已久堪

以委署除飭司照例揭印即交黃松接署并查經手錢數有無虧空另報併原揭送部外謹會

同督等謹督印務至副都御史臣三格跪疏奏合詞

同督等謹督印務至副都御史臣三格跪疏奏合詞

同督等謹督印務至副都御史臣三格跪疏奏合詞

題恭謹題諸

首羅正十年八月初三日題本月二十六日奉

旨達所奏王熙奏著革職其俞葵各款及下內有名人犯該無一併嚴審完擬具奏該部知道

延撫安慶等處地方提督軍務都察院右副都御史加二級汪程元章謹

題為特參濫刑故勘等事竊照知縣一官最關地方休戚臨民收役務須公正嚴明毫無枉縱方為稱職詎有懷違縣華職忽任知縣李經古心殘刻薄官民命承當事件並不按情察理虐害研鞠輒敢羅織無辜濫刑收煉且從容徇役勒索賄私全無約束查該縣平茂山地方有一受傷身死無名男屍該令據保甲陳文正稟報相驗乃不即訪緝究犯執掣地主施坤子姓刑訊致書差蔡成章郭斌等得以假威索詐旋據施坤訪稟被殺之人名張豁牙有張大元知情該令隨於六月二十四日拏獲大元并張豁牙之妻張氏刑審又於七月初五日拏獲劉芳到案濫刑疊夫逼認因姦致死稟行收禁而劉芳旋於八月二十九日張大元亦於九月十九日相繼斃獄該令遁不詳報嗣據劉芳之母王氏赴鳳陽府控稱張豁牙因窩牛被殺伊子劉芳無辜刑戮等情批縣查詳該令見事難掩始於九月初十日將張大元捏改於八月初三拏獲劉芳捏改於八月十四日拏獲仍作活口捏造口供詳報復捏報劉芳於九月十九日病故張大元於十月十七日病故經知府張學林屢次查覆不覆及至該府臨監清查聞監簿查出獲犯監斃各日期始知從前俱係捏報具文通詳經臣飭委鳳陽縣確訊并據施坤赴臣衙門具控該縣書役索詐等情亦批令鳳陽府審詳去後茲據安慶按察使孫詔鳳陽府知府張學林稟實詳請泰究等情到臣查張豁牙之死是姦是竊均無確據該令刑逼招承死後捏供已不足憑而跡牙之妻張氏又堅不承認以致妄審之鳳陽縣知縣徐亨時無從判決欲因提張氏子女到案質訊殊不知姦情曖昧豈肯通知子女若事因提不惟拖累無辜且恐幼穉孩

重加以刑求愈滋冤抑當即飭令查訪該路牙身元實情另緝兇犯究報不得牽累無辜臣查
知縣李經始而羅織滋刑逮斃二命不通報題起該兩飭查復捏造口供將獲犯反報病報
故各日期屢疊更改層層捏造是屬何心明有故勘致死希圖欺飾情弊似此居心狡詐草菅
人命之劣員斷難一日姑容相應將疏糾參請

旨將李經革任以便與案內有名人犯一併嚴審究擬以肅

功令謹會題請

旨雍正十年八月初七日題本月二十六日奉

旨遵所奏李經著革任其滋刑斃命各員交部議請由吏部內有名人犯從嚴審辦一件嚴審定讞具奏
該部知道

巡撫安慶等處地方提督軍務都察院右副都御史加二級臣程元章謹

題為奏銷康熙五十五七八九六十六十一雍正元二三四五年錢糧等事該臣看得康熙五十五

七八九六十六十一雍正元二三四等年地丁錢糧奏銷案內缺縣未完節年丁地等銀先因

接徵一年限滿未據完報經前撫臣魏廷珍暨臣照例咨奏部覆議處并令速催完報等同供

經撫行江寧布政司遵照去後今據布政使馮景夏詳稱補報缺縣節年年限滿開未完康熙

五十五年丁地等銀一千三百六十五兩五錢四分毫零康熙五十七年并帶徵五十三年丁地

等銀一千九百九十七兩一錢四分三厘零康熙五十八年并帶徵五十四年丁地等銀三千

六百三十一兩二錢九分五厘零康熙五十九年丁地等銀三千四百八兩六錢四分六厘零

康熙六十年丁地等銀二千一百一十二兩二錢九分八厘零康熙六十一年丁地等銀三千三百

三十二兩六錢二分七絲零雍正元年丁地等銀二千五百一十兩三分三厘零雍正二年丁

地等銀二千七百四十七兩八錢五分七厘零雍正三年丁地等銀二千二百九十兩六錢九

分九厘零雍正四年丁地等銀一千一百二十五兩九錢四分七厘零供於叩詳

題達事案內撫商黃先德等照數捐完移解司庫將該縣初奏議處各案轉詳開從前來臣查各

年未完數兩既據撫商黃先德等照數捐完所有該縣知縣杜瑛初奏均未完不及一分部議

照例於此十案每案停其陞轉罰俸一年戴罪徵收之案相應

題請開核謹題請

旨 雍正十年八月初六日題本月二十八日奉
旨 該部察議具奏

署浙江巡撫印務刑部右侍郎勅力行走紀錄四次臣王國棟謹

題為飭催事該臣看傳寧波府知府曹秉仁前任嘉興府同知并署嘉興府事任內失察原任平

湖縣知縣楊克慈諱盜一案部議降調奉

旨詢問該督撫如着官果優著照所降之級從寬留任如辦事平常即照部議降調欽此欽遵行據署

布政使張元懷署按察使劉章會同詳稱曹秉仁老成歷練辦事無誤海疆需人堪留辦理等

因前來臣查曹秉仁歷任浙省老成練達才具優長堪留辦理海疆之任今奉

旨詢問理合據實

奏覆臣謹會

題伏乞

皇上睿鑒施行謹具奏

聞雍正十年八月初六日題本月二十八日奉

旨該撫既稱曹秉仁老成練達才具優長着照部議所降之級從寬留任該部知道

暫署浙江巡撫印務刑部右侍郎効力行走紀錄四次臣王國棟謹

題為報明見任知縣病故事該臣看得見任黃巖縣知縣韓慧基染患傷寒病証醫治不痊于

正十年七月二十日在署病故據署布政使張元懷詳報前來理合

題報所遺員缺係沿海繁庠難例應

題補之缺臣見任在于屬員中揀選如得堪補之人另行

題請補授合并聲明伏乞

皇上睿鑒勅部查照施行謹具奏

聞雍正十年八月初六日題奉月二十八日奉

旨吏部知道

提督湖北等處學政翰林院侍讀學士臣凌如煥謹
題為恭報微臣祇領

欽頒

上諭日期事雍正十年八月初二日准內閣典籍廳頒發

上諭一部到臣臣隨恭設香案叩頭祇領訖欽惟

皇上

德備中和

功隆位育

聖神文武本誠敬以敷猷

睿知聰明適臣民而錫福體

上天之眷命作君作師繼

列祖之弘庥丕丕顯彙輯七年

聖訓肇啟金函光昭萬世成模弘開寶鑒微臣職任持衡高司風教欽

聖極之敷陳俾與知與能共適循乎

帝則凜

天威於咫尺惟是行是訓期整飭乎士風臣欽遵通行開屬府州縣學一體敬佩恪遵每逢宣講

聖諭廣訓日期謹將

欽頌

上諭遂條宣講務使閭閻士民心願神會身體力行以成一遵同風之

盛治所有微臣祇頌

上諭日期理合恭疏

題報謹具

奏

開雍正十年八月初七日題本月二十九日奉

旨該部知道

巡撫福建等處地方提督軍務都察院右副都御史紀鍊一次降二級晉任駐劄福州府臣趙國麟謹

題為報明病故事該臣看得原任福建布政使潘體豐於雍正七年八月十八日到任於雍正十年五月二十日准到吏部咨奉

旨解任詎該員於閏五月間得患腸食之症延醫調治不痊於七月初十日身故據布政使劉藻長詳報前來查潘體豐任內有那勤缺少米穀價銀兩經臣具疏題奏

旨革職著落進補在案今該員既已病故除將應進銀兩及焚燒衙署應行賠造未完者俱著落潘體豐的屬嚴行追賠併飭行查取地方官及醫生印甘各結另行送部外臣謹題奏

閏雍正十年七月二十四日題八月二十九日奉旨該部知道

經筵講官少保兼太子太保保和殿大學士兼會吏部戶部尚書事加四級臣張廷玉等謹
題為檢舉事該臣等議得刑部咨稱據本部山東司員外郎黃煥彰呈稱切煥彰雍正八年承辦秋審

事件於額勒布和放創參一案總冊內遺漏包江一名係擬絞應入絞決之犯現在監候雖無舛錯
出入罪名但從前對冊遺漏疎忽之咎難辭今自行查出理合據實檢舉等情查額勒布和放創參
案內擬絞人犯五名應行開除限內完贖減等二名該員彼時不加詳慎查檢誤將包江一名一併
開除今該員將遺漏之處自行檢舉雖包江現在監禁罪無出入但對冊疎忽遺漏之公實屬難辭
請將員外郎黃煥彰交與該部照例查等因具奏前來查定例官員造冊遺漏者罰俸一年等
語應將造冊遺漏之刑部員外郎黃煥彰照例罰俸一年恭候
命下臣部遵奉施行臣等未敢擅便謹

題請

旨依議
旨雍正十年八月二十九日題九月初一日奉

署理廣東巡撫印務廣東布政使加二級紀錄六次又軍功加一級紀錄二次駐劄廣州府
祇謹

題為查拏造賣賭具事該臣看得原任肇慶府通判借補歸善縣調補會同縣知縣朱瀚先因歸善縣

任內失察周連科製造紙牌一案經前撫臣鄂彌達於審

題疏內開列職名附叅准部議覆照例革職經行遵照在案嗣據朱瀚會臣衙門呈懇援例具

題請復經批按察司會同布政司查例定議具詳去後茲據按察使黃文輝詳稱查原任廣東永安縣

典史孫源先因失察曠徒藍李鳳等聚黨偷挖礦砂一案部議革職續經前任督臣孔毓汶以案內

失察降調之知縣劉庶等居官實屬稱職并將無礙可降應革職之典史孫源附疏

題請准其各帶降級革職留任奉

旨允行在案今朱瀚居官尚屬謹飭雖理繁治劇稍有未能而在粵數年於地方風俗頗為熟諳堪供委

用可否念其失察賭具事出因公照例具

題請將朱瀚革職留粵以知縣以下酌量委用如四年無過照例准其開復等由前來臣查朱瀚係由

監生奉

特旨補授

武英殿八品筆帖式推陞選授肇慶府通判經前署撫臣傅泰會疏

題請借補歸善縣知縣後又

題請調補會同縣知縣給咨送部引

見奉

旨卡漸著照該督撫所請調補會同縣知縣該員回學尚未到任今因歸善縣任內失察賭具既經照例革職何敢復為

題請但查朱瀚平日居官尚屬謹飭且在粵五載地方風俗頗能熟諳堪供委用理合具

題可否

俯念朱瀚失察賭具事出因公准其革職仍留粵東以知縣以下酌量委用俟四年無過另疏

題請開復伏候

聖裁至該員先於調補會同縣知縣業已送部引

見前經回粵應否毋庸再行送部引

見前應聲明統候

諭旨遵行臣謹會

題伏乞

皇上睿鑒敕部議覆施行謹題請

旨雍正十年七月十六日題九月初一日奉

旨該部議奏

題為遵
經筵講官少保兼太子太保保和殿大學士兼管吏部戶部尚書事加四級張廷玉等謹

旨奉題事該臣等議得戶部咨稱貴州布政使常安等四員捐納加級候補禮部郎中張勝樞等二員捐復還級所懇田畝及營田項數目俱與例相符應移咨吏部等因前來查貴州布政使常安廣西梧州府知府吳士銑廣西潯州府同知萬選廣西賓州知州馬樸等四員戶部既稱懇田數目相符應各准其隨帶加二級候補禮部郎中張勝樞於雍正十年六月內因原任江南驛傳鹽法道任內為錢糧交盤等事案內補官自降一級用候補知州王繼曾於雍正六年四月內倉差監督任內為失察揭帖用卹一案補官自降一級用今戶部既稱張勝樞王繼曾捐復降級營田項畝與原題數目相符應各准其復還降一級恭候

題請

旨下
旨雍正十年八月三十日題九月初二日奉
旨依議